

宋淳熙敕編古玉圖譜第十八冊


古玉山雲文黃琮




右琮長八寸博廣六寸厚四分六厘玉色甘
黃如蒸栗璊斑勻點如灑絳雪琮面琢刻山
雲之文縟麗華藻可喜腹間篆刻寶琮二字
臣謹按易統云天降霖雨山川出雲琮為禮
地之器而以山雲為飾於義合矣



古玉雷文卦象黄琮



右琮長八寸博廣六寸厚五分玉色瑩白瑞
斑丹黃如金琮面琢刻坤卦凡四繞以連珠
雷文為飾臣謹按易林彙通云坤為地載育
萬物孳養兆民其德宏深與天為配然必仰
承天澤如雨露之所濡雷霆之所震氣化相
宣然後萬物生育焉今觀此琮琢刻坤卦雷
文合宜極矣制作之工商周之遺器也




古玉坤字黃琮

卷十八

五

厚坤





右琮長短博廣厚薄同前腹刻坤厚載物四
篆字制度朴雅商周之物也

古玉八角實腹黃琮

卷十八


七





右琮上下長八寸六角每角刻二寸厚四分
玉色瑩白無瑕腹中實篆刻一琮字質朴古
雅有商周之遺風非秦漢間之物


右琮八角每角刻長一寸五分厚五分三厘
玉色甘青瑩澈無瑕琮面琢刻中列太極外
繞八卦八角者取八方之義而乾坎艮震巽
離坤兌以配方隅古人制器象物莫不循理
非若後儒之臆見也




古玉八角坤元黃琮

卷十八

十一






右琮上下長八寸八角每角刻二寸厚五分
玉色甘黃無瑕腹刻大哉坤元四篆字制度
朴雅商周之物也


宋淳熙敕編古玉圖譜第十八冊終

宋淳熙敕編古玉圖譜第十九冊
古玉素質大璋一




紫璋

右璋長七寸博廣二寸七分厚四分三厘玉色瑩白瑤斑勻布周身朴素無文臣謹按詩大雅之棫樸曰濟濟辟王左右奉璋奉璋我戕禮經云以赤璋禮南方半圭曰璋夏者陰陽各居其半故用璋賈公彥曰圭璋特達謂行聘之時唯圭璋得以獨達不加飾幣也又曰牙璋以起軍旅云云今觀此璋不加文飾古朴可愛蓋商周之物也



古玉素質大璋二




素璋

右璋長短博廣厚薄同前玉色微紅無瑕周
身朴素無文與前圭亦同俱商周之物也




古玉素質大璋
三



璽 璋

右璋長短博廣厚薄與前二璋相同玉色瑩
白瑤斑勻點周身朴素無文尚質之義也非
秦漢之物盖商周之器歟



古玉彫文大璋



牙璋

右璋長七寸七分博廣二寸八分厚五分四厘玉色澄碧瑞斑疊起璋面琢刻牙文臣謹按禮經云牙璋七寸用以徵兵璋刻咀牙之文為飾即此是也古雅之至三代之珍也


古玉彫文大璋二



牙璋

右璋長短博廣厚薄悉同前璋玉色瑩白瑞
斑苔花勻點琢刻咀牙之文其說已具於前
蓋漢已前物也

古玉彫文大璋三




起軍旅

右璋長短博廣厚薄同前玉色甘青瑩澈無瑕璋面琢刻起軍旅三篆字臣謹按禮經云牙璋以起軍旅云云白虎通云璋以發兵何璋半圭位在南方陽極而陰始起兵亦陰象也故璋似之制度古雅三代物也

宋淳熙敕編古玉圖譜第十九冊 終

宋淳熙敕編古玉圖譜第二十冊
古玉朱草大璋




朱
州

右璋長七寸七分博廣二寸五分刻上二寸二分厚四分一厘玉色淡碧中有琢刻朱草一藪枝葉婆娑紅如猩血然自有碧玉以來未見中涵赤色者臣謹按七聖記云黛輿之山有神草焉其名曰虹光可以血玉凡玉無論何色瑊琢文理既畢則以此草罨之晷刻之間所刻之文即成朱色深入膚理自面達背以磨礮之愈明愈鮮此璋之朱草赤色或

古玉圖 卷三
用此術乎臣謹按白虎通云五緯順軌德至
草木則朱草生璋為禮南重器著以朱草於
義實為允當瑀琢之精商周之物也



古玉朱草大璋二



王者德感幽明則朱草生

右璋長短博廣厚薄并琢刻朱草俱同前璋
但玉色甘青而璋背有刻字云王者德感幽
明則朱草生臣謹按瑞應圖云朱草隨土而
生大如芭蕉色若丹砂銜耀人目暮夜置之
暗室明察秋毫盖奇寶也璋身刻此乃最當
也



古玉卦象大璋



日麗中天
丌海文明

右璋長七寸五分博廣二寸八分厚五分五厘玉色甘黃無瑕琢刻離卦臣謹按易度云離為火位正南方權司夏令璋為禮南之器而著以重離之卦宜矣制作古雅應歸漢室云



古玉斗宿大璋



南極星祥

右璋長短博廣厚薄悉如前璋但玉色甘黃
無瑕瑜刻南斗之象輔以雲氣臣謹按甘石
星經云南斗六星入地三十六度常以春分
之夕見於丁秋分之夕見於丙見則主人壽
昌天下安寧云今觀此璋著以南斗之象非
臆見也其為漢物無疑

古玉柳宿大璋



古玉圖
卷三
九

柳宿

右璋長七寸博廣二寸五分厚四分七厘玉色甘青無瑕瑜刻南方柳宿之形輔以雲氣臣謹按星經云柳為鳥注主木草漢書天文志注作喙鳥喙謂之柳柳八星天之厨宰也主尚食和滋味若金火守之則兵起柳南一星為天純主齒鳥獸王曰柳南方宿主盛夏雷雨草木夫璋為禮南之器刻以柳宿於義為宜

古玉圖
卷三

古玉赤鳳大璋



王者向明而治則赤鳳至

右璋長短博廣厚薄悉如前璋玉色瑩白琢刻雲鳳其色朱殷為異耳臣謹按瑞應圖云王者向明而治則赤鳳至昔漢成帝時趙飛燕歌赤鳳來曲則知此璋出自漢廷矣

宋淳熙敕編古玉圖譜第二十冊終

